

Broj: 101-1231/18
Datum: 05.09.2018.

Na osnovu člana 50. Statuta Radiotelevizije Bosne i Hercegovine, člana 70. stav (1), (2) i (3), člana 71. stav (1) i (2) Zakona o javnim nabavkama Bosne i Hercegovine ("Službeni glasnik BiH" broj 39/2014) i člana 200. Zakona o upravnom postupku Federacije Bosne i Hercegovine ("Službene novine Federacije BiH broj 2/98), a na prijedlog Komisije za javne nabavke ugovornog organa Radiotelevizije Bosne i Hercegovine, donosim

O D L U K U

kojom je za najpovoljnijeg ponuđača za *pružanje usluga revizije finansijskog poslovanja ugovornog organa Radiotelevizije Bosne i Hercegovine za 2017. godinu* izabran ponuđač **MERFI d.o.o. iz Sarajeva.**

O b r a z l o ž e n j e

Na temelju Odluke generalnog direktora ugovornog organa Radiotelevizije Bosne i Hercegovine br. 101-74/18 od 16.01.2018. godine Komisija za javne nabavke je, nakon poništenog prvog postupka, po drugi put pokrenula proceduru po otvorenom postupku nabavke koji za predmet nabavke ima *pružanje usluga revizije finansijskog poslovanja ugovornog organa Radiotelevizije Bosne i Hercegovine za 2017. godinu.*

Na predmetni otvoreni postupak objavljen 01.08.2018. godine pod brojem 113-1-2-68-3-70/18 na web portalu elektronskih javnih nabavki www.ejn.gov.ba, a u skladu sa članom 25. Zakona o javnim nabavkama Bosne i Hercegovine ponude su dostavila tri ponuđača i to:

• REVIZIJA REVITA d.o.o. – Cazin	KM 11.700,00
• BDO BH d.o.o. – Sarajevo	KM 11.700,00
• MERFI d.o.o. – Sarajevo	KM 11.700,00

Provjerom valjanosti primljenih ponuda Komisija je ustanovila da su ponude ponuđača REVIZIJA REVITA i MERFI u potpunosti validne, u skladu sa zahtjevima navedenim u tenderskoj dokumentaciji i Zakonom o javnim nabavkama Bosne i Hercegovine, dok je ponudu ponuđača BDO BH d.o.o. iz Sarajeva Komisija ocijenila kao nevalidnu, jer se ovaj ponuđač nije pridržavao uputstava datim u tački 9.1.2 tenderske dokumentacije pri određivanju sati rada koje bi proveo na terenu, tj. u prostorijama ugovornog organa na poslovima revizije, kako je detaljno navedeno u Izvještaju Komisije, koja, uz Tabelarni prikaz osvojenih bodova, predstavlja sastavni dio ove Odluke.

S obzirom da se radilo o otvorenom postupku nabavke, te da se dodjela ugovora zasniva, u skladu sa članom 64. stav (1) tačka a) Zakona o javnim nabavkama Bosne i Hercegovine, na kriteriju ekonomski najpovoljnije ponude, Komisija je izvršila bodovanje primljenih ponuda u skladu sa kriterijima datim u tački 9.1 tenderske dokumentacije. Izvršeno bodovanje pokazalo je sljedeći redosljed kandidata koji su dostavili prihvatljive ponude:

- | | |
|-----------------------------------|---------------|
| 1. MERFI d.o.o. – Sarajevo | 100,00 bodova |
| 2. REVIZIJA REVITA d.o.o. – Cazin | 98,00 bodova |

U skladu sa navedenim bodovanjem Komisija je, postupajući u skladu sa članom 70. stav (1) Zakona, izvršila izbor najpovoljnije ponude.

Na temelju svega navedenog ugovorni organ Radiotelevizija Bosne i Hercegovine odlučio je kao u dispozitivu ove Odluke.

Pouka o pravnom lijeku

Protiv ove Odluke dopuštena je Žalba ugovornom organu, kao prvostepenoj instanci u postupku, u roku od 10 dana od dana prijema iste u pisanoj formi, a u skladu sa članom 101. stav (1) tačka d) Zakona o javnim nabavkama Bosne i Hercegovine.

Saglasan:

**Generalni direktor BHRT-a
Belmin Karamehmedović**

Dostaviti:

- REVIZIJA REVITA d.o.o. Cazin
- BDO BH d.o.o. Sarajevo
- MERFI d.o.o. Sarajevo
- Arhiva